

AWE Mainta

E DIFERENCIA DEN NOTICIA

DI "SCOCHI" PA MOSH PIT:

ACTIVEMIRROR TA LANSA NAN VERSION DI E CLASICO "DEN SCOCHI BO MAMA"

MAS CUIDO DI MUCHA OF
CUIDO MAS SIGUR?

3

**ARUBA NO POR
PERMITI E ORDEN ROBES****ARUBA TA BIRANDO
UN SOCIEDAD CU TA KEHA
MAS CU E TA CONTRIBUI?**

4

AWE Mainta.NL 25**DRIE DODEN IN HET VERKEER:
GEEN INCIDENT, MAAR EEN SYMPTOOM VAN
ARUBA'S FALENDE VERKEERSCULTUUR****M-Files®**

A Document Management System with Workflow Automation

M-Files is more than a document management system. It automates processes while using the power of **AI** and **Metadata** to easily find and use information.**VCC**
International NV

Tel. 583-7072

| info@vcc-int.com

| www.vcc-int.com

Di “scochi” pa mosh pit:

Activemirror ta lansa nan version di e clasico “Den scochi bo mama”

BO ta corda tempo bo tabata chikito? Bo a pasa dushi, b’a biba bon y bo no tabatin niun preocupacion. Wel, e banda Activemirror kier recorda bo di e dianan ey, pero e biaha aki cu e volumen na maximo y un dosis di distorsion!

E banda alternativo y post-punk Arubiano a lansa nan single nobo **“Den Scochi bo mama”**, un cover electrificante di e piesa skirbi pa Vicente Kelly, titula originalmente “Scochi bo Mama”. Esaki ta un paso grandi pa e banda, ya cu e ta nan prome cancion oficialmente lansa den nan lenga nativo, Papiamento.

Cu bendicion di famia

Haci un cover di un cancion asina stima ta rekeri respet, y Activemirror a haci esaki di e manera corecto. E grabacion aki a wordo lansa cu e aprobacion y bendicion di e famia di Vicente Kelly y su viuda, Sra. Elvia Kelly.

Loke a cuminsa na 2023 como un experiment den studio entre Liam Sean Kelly (vox) y Me'Shaq Richardson (guitara), a bira un realidad cu ta uni generacionnan. Liam y Me'Shaq a aserca e piesa cu e mentalidad di *“Sex Pistols covering Frank Sinatra's My Way”*, dunando e cancion un bida nobo sin perde su rijs.

Paga belasting nunca a zona asina bon

Tur hende conoce e sentimento: *“Awo cu bo a bira grandi, bo tin cu pasa trabou, bo ta traha hopi duro y bo ta paga hopi belasting.”* Pero en bes di djis sinta recorda con *“nan a zoya bo den scochi”*, Activemirror ta invita bo pa lanta y saca tur e frustracion ey den un mosh pit.

E version aki ta mantene e curason di e letra—anhelando e dushi di sinta *“den scochi bo mama”*—pero e ta hinc’e den un bisti di punk rock cu a causa furor aña pasa caba na Covers Festival. E anochi ey, e cancion tabata un di e preferinan di e publico, kendenan mesora a cuminsa puntra unda nan por scucha e version aki bek.

For di Alfie's pa New York

E single a wordo graba den e atmosfera creativo di Alfie's In Aruba, bou di produccion di Kevin N. da Silva. Pa completa e lansamento, e banda a saca nan prome video clip oficial, un obra visual produci door di NPC Productions y dirigi door di Jason Yarzagaray.



Activemirror. - Den Scochi Bo Mama (Music Video)

Aunke e cancion ta bisa *“mare b’a keda chikito dushi sinta”*, e realidad ta cu Activemirror ta birando hopi grandi pa keda keto na cas. Cu un fanbase cu ta crece cada dia mas na Canada, Brazil y Singapore, e banda ta ranca bay New York den luna di maart proximo pa presenta na [The Colossus Festival](#).

Asina ta, si e bida di adulto ta pone bo sinti cu *“mare b’a keda chikito”*, subi bo volumen, bishita bo plataforma di streaming faborito, y spatial cu e version nobo di *“Den Scochi bo mama”*.

Scucha e cantica riba Spotify: <https://open.spotify.com/track/00>

Scucha e cantica riba Apple Music: <https://music.apple.com/us/song/den-scochi-bo-mama/1864912877>